



# O GRIFFO, IN COMPAGNA

di Ezio Baglini

A-a meitæ d'arvî do 1923, l'é stæto atacòu in çitæ 'n manifèsto, riportòu da-i giornâli, co-in vistòzo griffo rôsso ch'o l'invitâva i çitadin a rionîse a Parlaménto, e fâse söcci do nëuvo solidaliçio. L'adexón a l'é stæta trionfalistica. O 22 d'arvî, Macaggi Giòxèppe, Cervetto Loîgi Aogùsto, Villa Onbérto, Pescio Amedêo, Triulzi Giovànni Goidido, Camere Françesco, Magnone Gaitàn, Ferrari Rîco, sòn stæti missi a-a goïdda de A Compagna. Unn-a de primme domànde fate a-i numeròxi söcci iscrîti a l'é stæta l'adoçion de 'n identitæ scinbòlica. L'anno dòppo l'é stæto çernûo o mòtto<sup>(1)</sup> e sòn stæte realizæ 'na bandêa<sup>(2)</sup>; 'na tésera sociâl<sup>(3)</sup>; o confaon<sup>(4)</sup> e o distintîvo<sup>(5)</sup>; ma do griffo, scibén che gh'èa consénso, pòchi ne savéivan i particulâri. De consegoénsa bezugnâva savéine de ciù in sciò griffo. Ma e riçèrche no àn dovùo èse frutòze se, quande l'é stæto fato o primmo statùto do zùgno 1923, no se n'è dîto ninte. Inte l'arvî do 1928, l'é comensòu a publicaçion do Boletín; in sciâ covertinn-a l'é stæto misso 'n griffo, disegnòu da-o pitò Elio Graffonara<sup>(6)</sup>; ma-a questión a l'é arestâ sènsa soluçion, tànto che inti statùti segoénti<sup>(7)</sup> se ripòrta e mæxime insègne, ma ninte do griffo, lovòu de mantegnìlo into distintîvo, e into tîmbro a màn<sup>(8)</sup>, sènsa uficialitæ. Do 1971 l'é stæto stanpòu da-i mëgio da nòstra memòia, l'armanàcco "Gente di Liguria" con, inta covertinn-a, o mòtto e o griffo do Graffonara; a pàgina 7 l'é stæto repiçgiòu da-o *Il Secolo XIX* do 10 màzzo do 1925 un vigoròzo articolo firmòu da A. Pescio, con tème 'o Griffo da Compagna'. Dòppo, sènpre con prescìdente De Martini e inti anni intorno a-o 1974, s'è riadesciòu o tème: into méntre s'è pensòu de fâ un nëuvo confaon<sup>(9)</sup> e ascì, pe-i Cónsoli un medagiòn co-a riproduçion de 'n nëuvo griffo, ch'o l'èa da çèrne. L'é coscì comensòu tórna e riçèrche da pàrte



**1° TROFEO "GRIFO D'ORO"**  
CONCORSO REGIONALE  
LIGURE  
PER CINEAMATORI  
E DILETTANTI  
GENOVA, INVERNO 1971

